

龍山縣志

36/6  
2

龍山縣志

光緒戊寅  
秋七月刊

重修龍山縣志序

同治四年乙丑湖南謀修通志於是大府下其檄各郡邑飭取志書並頒發章程諭令會同儒學延選士紳蒐羅近聞續修增入而龍山亦因是有志局之設焉丁卯春予權篆斯邑甫下車卽奉札催爰進諸紳首而敦促之復於公餘之暇不時至局共相揚摧已而志稿就予觀其源委并秩綱舉目張分門者十有四首地輿不載星野談天之說所以紀實也次城池次山水次田賦而墟市津梁古蹟戶口蠲政各以類附所以省繁也次學龍山縣志

卷之首

序

校右文教重作育也次兵防地處邊陲示不忘武備也典禮則先敘其前所未備者納民軌物導之以所樂從也祠祀則不廢其素所奉信者神道設教動之以其所懼也志風俗見

國家教澤之涵濡焉志物產見境壤生殖之豐阜焉他若秩官政績悉統以官師選舉封蔭併歸諸人物詳與約俱具有深意節烈惟恐其見遺藝文不欲其濫收寬與嚴要各有取義而每門復綴以弁語或揄揚而得體或質慤而可味寥寥短章已足宣上德而達下情至土

司不予其專立尤爲偉識特筆卓然具良史才則洵乎非舊志之所得同年而竝語也先是龍山爲蠻酋割據之所我

朝雍正五年始內附納土七年始改設流官越嘉慶戊寅始創修邑乘維時文獻無徵規模麤具誠難免擇不精而語不詳之憾今則於其缺者補之冗者汰之折中損益已犁然改觀昔曾宋歐陽諸公奉詔刪定唐書論者謂文省於舊事增於前新書實優於舊而志紀表傳非出一手往往自相牴牾亦有難禁乎後人之議者是

龍山縣志

卷之首

序

二

書卷帙不富纂修畫一其中事增文省之處未知視古人何如然詞歸典要義主勸懲殆將與朝邑武功諸志竝傳矣第念邑之有志固居是土者藉以觀覽而取爲法戒之資亦官是土者得所證據以善其因革張弛之用故曰載之空言不若見諸行事之深切著明也龍邑山勢峻鬱民風剛勁吏治若救湯火非武健嚴酷者不足以勝任愉快予以儒冠初脫承乏其間識闇性拘土之不克明禮義以化導去敲撲次之不克嫻法令以搏擊立名威案牘簿書蹈常襲故雖期年中每事務以安

靜持之冀稍爲地方滋培元氣而獄訟未見稀少爭競未聞衰息其爲教者則書院甫竣工器識文藝未暇與諸生朝夕講明而切究所爲養者則雨暘不時歲告歉收米價日益騰踊方將偕紳耆急籌補救之術而尙未就緒每展閱前人諸循績輒不禁爲之汗流而走且僵也乃邑人士獨不鄙予爲迂拙而動多恕詞且於予所欲爲者無不踴躍欣助相與求其事之實有所裨益卽斯志續修首尾已逾數載若雅不欲以作而未竟者重煩予之惓惓故刻期歲事俾予猶得於瓜代之際遙觀

龍山縣志

卷之首

序

三

厥成而掛名簡端不可謂非予之幸也雖然是役也纂輯編次則在局諸君實任其勞採訪舉報則各里諸君共襄其勤予仍第託諸空言其幸也祇所以爲愧也歟同治七年歲在戊辰春正月中浣

賜同進士出身加五品銜湖南卽用縣知龍山縣事恩江符爲霖謹序

續修龍山縣志序

同治戊辰予奉檄攝龍山縣事下車伊始邑人士以續修志稿質予予喜其典而核簡而賅舉凡山川之廣狹疆域之沿革戶口之盈耗賦役之重輕與夫官師賢否之殊塗風俗升降之異軌一展卷而瞭如指掌蓋秩秩乎不愧爲完書焉顧或者謂是書不列星野不誌祥異揆諸紀載之體未免略焉而不詳茲說也予頗不然之攷龍山從永順分置其地本屬長官司通天玉書謂在翼十六度地理志又以爲入軫十度固已言人人殊且

龍山縣志

卷之首

序

自武陵極於荊州全楚分星同在鶉尾之次並爲翼軫所轄今以一邑之地絜之測其度數未及十分之一以星占野其部位果安準乎若夫祥異之徵莫著於漢書五行志然考之當時或有應有不應要以吉凶景響全憑人事爲權衡術家推測之說奚足尙焉然則斯志之略斯二者略其所不必詳固無害其爲完書也方予蒞任時前宰符君徵岩已分任邑之賢士大夫設局蒐輯裒然集有成編予因踵而成之於茲事固靡所裨益乃以躬際其會遂得與名其閒案牘餘閑時復披覽因而

詳識其源流參觀其利弊循其已往之迹制其因時之  
宜化裁損益之道咸折衷於是焉未始非當官之一助  
也書成將付之剞劂氏用綴數語於簡端以誌顛末後  
之官斯土者其亦覽是書而得所考鏡也乎

同治九年歲在庚午暮春之初

欽加知州銜湖南候補縣知龍山縣事陽湖呂懋恆序

龍山縣志

卷之首

序

二

重修龍山縣志序

龍山僻處萬山中土瘠而民貧故爲政之難倍他邑殫精竭力而廢弛者始克盡舉光緒丙子余奉

簡命尹龍山謁學宮而靈星門頽池石橋皆傾圮不治明年丁丑予籌貲率邑紳葺繕之工甫竣而諸紳復以重刻縣志請蓋龍山之志重修於同治丁卯前令符君爲霖主其事邑明經劉沛纂其文顧經費缺如未及鏤於板者閱十稔於今矣昔朝邑令王道以朝邑志蕪穢屬韓子五泉修之傳諸木爲朝邑實籍康子對山曰王

龍山縣志

卷之首

序

一

君作縣能先事於此此可以徵其政矣竊嘗謂古人政治必先其大者要者而志乘之作蓋所以稽考土俗民情因革興除於是乎在今龍山志之刻前數令竟若有未暇及者何哉予尹龍山且三年諸務幸漸就理微諸紳之請予固將力圖之以底於成而諸紳乃以其所不能得之於前令者而復以請屬於予意者爲政之要大者小先後之宜予尙能審而處之乎於是急籌數百金督手民刊刻之旣成書其崖略於首後之君子朝考夕究不辭於瘠苦不畏於煩勞廢者興之弛者張之班條布

令因勢利道以和輯其民以襄

聖天子涵洽無外之治則巖邑將賴之以有鳩也若夫  
審繁簡之宜明取舍之法覈事顯義用昭勸鑒此修志  
之體要也符君既詳言之余不必贅

清軍府銜知龍山縣事高成謝寶文序

龍山縣志

卷之首

序

二

龍山縣志目錄

卷之首

敘

凡例

姓氏

縣名考

諸圖

卷之一

地輿

沿革

疆域

關隘

墟市

龍山縣志

卷之首

目錄

一

卷之二

城池

津梁

卷之三

山水

卷之四

田賦

戶口

鹽

倉儲

兵穀

社倉

卷之五

學校

學額

書院

義學

考棚

卷之六

兵防 兵制 土司

卷之七

兵防下 兵事

卷之八

典禮

卷之九

祠祀

卷之十

祠祀下 寺觀

龍山縣志

卷之首

目錄

二

卷之十一

風俗

卷之十二

物產

卷之十三

官師 公署

卷之十四

人物 選舉 壽民

卷之十五

節烈

賢婦

壽婦

卷之十六

藝文

文

詩

龍山縣志

卷之首

目錄

三

凡例

一邑改土未久事實無多

國朝以前除各土司外亦鮮文籍可資搜錄舊志分門至三十八未免過繁今約爲十四門閒有亦不可缺而又不能另編者則各以類附如津梁附城池戶口兵穀社倉附田賦之類是也

一舊志每門不加弁語謂避勦說雷同也然於每門情事各據本邑實蹟確鑿言之自不能移易他處又何勦說雷同之有且他郡邑志亦多有弁語者今倣之

龍山縣志

卷之首

凡例

一

一志必首列星野舊志亦然然翼軫二宿所轄爲全楚境以一邑分野當之不太寥闊乎且星經多殊詞唐書地理志謂至澧州石門慈利安鄉極於永順靖州之轄縣及保靖宣慰司皆武陵入軫十度之野而通天玉書則謂翼之十六度爲各長官司是星象難定也况一度至二千九百三十餘里之遙以一邑絜之僅二十之一上天下地其部位又安準乎初擬削去此門適見金谿縣志首亦無之亦謂星野之說難根據也今沿例削去而以地輿冠首

一邑自

國朝以前淪於蠻苗據今疆域論之其歷代所隸及彼此分合之跡均宜攷其源流四至八到途徑遙邇亦須詳注况境徧苗疆設守方略尤資要隘今并詳列之附以圖繪庶覽者瞭然不啻躬歷其地

一山水固千古不易者然前志或有疎略今由身所經歷並友人文記得其該詳更取而補敘之非故示異於前也蓋詳略殊焉耳

一舊志有土司一門今不予其專立而附於兵防內猶

龍山縣志

卷之首

凡例

二

班史於項羽降本紀爲列傳之意夷亂階賤割據也嘉慶咸豐兩次流寇之擾皆詳紀其堵勦事宜欲當事鑒於已然而懲毖其後患也

一舊志典禮祇載迎春鄉飲救護日月諸事然昏嫁喪祭尤典禮攸關而爲斯民所時有事舊志不載今從通志采補

一舊志分祀典祠廟寺觀爲三門竊謂祠廟卽舉祀典之地可以類從者也今立祠祀門以統之而寺觀則附於後

一邑處偏隅春秋祭祀聲容未備禮典缺然今取樂章音律佾舞悉詳載之庶後之心嚮休明者得有所據以肄習之故雖通行之例不復避其繁也

一物產凡他郡縣所有者皆不載偶或載者則惟邑所出爲多且獨佳也故今志所收較前損十之七至各注釋更削而不錄以山經爾雅人人共讀無庸贅也

一舊志有秩官政績二門今概以官師統之其有政績者卽爲之詳紀顛末而以歷任年月附見於內其餘則仍秩官舊例臚列姓名注以歷任年月而已蓋姑存之

龍山縣志

卷之首

凡例

三

以備考云爾公署附後

一史傳例應直書姓名後漢於張劭范式傳內敘事處時以字行後人猶訾議之故今官師人物各志一概稱名卽遇至貴極尊亦不敢諱

一邑風氣甫開科名甚少故今選舉一門姑附於人物志後匪畧而輕之蓋有待於後也至薦辟

封蔭並附

一人物必已故者方爲采載若其人現存雖卓有可稱亦姑置之古人所謂蓋棺論定者也

一人物不復分儒林忠孝文苑各類概以時代先後爲次中有爲前志所已載而更志之者蓋詳其所畧也壽民附

一節烈無論存沒及已經具

題與否凡年例相符者皆采載之若其人無事蹟可紀亦必取其姓名臚列於後蓋節操旣見卽無庸核其他事也壽婦附

一藝文屬邑作者必其人已故方爲采載若居官之作卽現存者亦載之蓋歲滿則遷不能終於此地也至文

龍山縣志

卷之首

凡例

四

必有裨地方事宜否則名製巨篇概從割愛

龍山縣志初次修輯姓氏

主修

五品銜即用知縣署理龍山縣知縣符為霖

徵巖

清軍府銜署理龍山縣知縣

呂懋恆

慎伯

協修

翰林院典簿銜任龍山縣學訓導

周之燦

蘭亭

六品銜任龍山縣典史

朱克敬

香孫

纂修

恩貢生候選訓導

劉沛

史亭

龍山縣志

卷之首

姓氏

參訂

鹽課司提舉銜附貢生候選訓導

黃一灃

叔濤

候選訓導

鍾必瑚

夏卿

採訪

國子監典簿銜附貢生候選訓導

龍袞

躍門

貢生

張慶雲

月樓

五品銜候選道庫大使

黃元復

叔容

附生

彭述

駿軒

候選縣主簿

鍾浥

渭卿